

<b>Adroddiad i'r</b>	Cabinet
<b>Dyddiad y cyfarfod</b>	24 Ionawr 2023
<b>Swyddog / Aelod Arweiniol</b>	Y Cyngorydd Elen Heaton / David Soley (Gwasanaethau Cymorth Cymunedol)
<b>Pennaeth Gwasanaeth</b>	David Soley
<b>Awdur yr Adroddiad</b>	Alison Heaton, Swyddog Caffael a Chontractau (Gwasanaethau Cymorth Cymunedol)
<b>Teitl</b>	Cynlluniau Byw â Chymorth Anableddau Dysgu Sir Ddinbych

## 1. Am beth mae'r adroddiad yn sôn?

1.1. Mae'r adroddiad hwn yn cynnwys argymhellion i'r Cabinet gymeradwyo estyniad dros dro ychwanegol i gontractau Byw â Chymorth Anableddau Dysgu.

## 2. Beth yw'r rheswm dros lunio'r adroddiad hwn?

2.1. Mae angen penderfyniad o ran rhoi estyniadau dros dro i 41 o gontractau Byw â Chymorth Anableddau Dysgu. Ym mis Medi 2021 cymeradwyodd y Cabinet estyniadau tebyg a chymeradwyo proses i ymgymryd â thendrau bach dan Fframwaith Rhanbarthol Gogledd Cymru ar gyfer Byw â Chymorth i bob un o'r contractau hyn. Mae rhestr lawn o'r contractau hyn wedi'i hatodi yn atodiad 1.

2.2. Mae Rheolau Gweithdrefn Gontractau Cyngor Sir Ddinbych yn ei gwneud yn ofynnol i gael cymeradwyaeth y Cabinet ar gyfer ymestyn contractau gwerth dros £2 filiwn.

### **3. Beth yw'r Argymhellion?**

- 3.1. Bod y Cabinet yn cymeradwyo rhoi estyniadau dros dro i 41 o contractau Byw â Chymorth Anableddau dysgu am gyfnod hyd at 30 Medi 2026 fan bellaf. Mae manylion y contract a'r amserlen ddiwygiedig arfaethedig ar gyfer ail-dendro'r contractau hyn ynghlwm yn atodiad 1.

### **4. Manylion yr adroddiad**

- 4.1. Yn unol â chanllawiau cenedlaethol mae Byw â Chymorth wedi hen ennill ei blwyf yn un o'r dulliau a ffefrir gan Sir Ddinbych i fodloni anghenion pobl ag Anableddau Dysgu nad ydyn nhw'n gallu byw gyda'u Gofalwyr mwyach. Mae'n rhaid i gaffael gwasanaethau o'r fath fod yn unol â Rheolau Gweithdrefn Contractau'r Cyngor a chydymffurfio â chyfraith ddomestig a chyfraith yr UE, sef Rheoliadau Contractau Cyhoeddus 2015.
- 4.2. Mae contractau Byw â Chymorth wedi'u hymestyn dros y blynyddoedd yn unol â Rheolau'r Weithdrefn Contractau Corfforaethol. Fodd bynnag, mae angen i ni fynd i'r afael â'r farchnad ar gyfer pob un o'r contractau hyn.
- 4.3. Yn anffodus, o ganlyniad i oedi i weithredu Fframwaith Rhanbarthol Gogledd Cymru ar gyfer Byw â Chymorth, ac yna Pandemig COVID 19, nid yw'r gwaith wedi'i wneud mor gyflym â'r disgwyl. Cafodd yr estyniadau diwethaf hyd at 31 Mawrth 2023 eu cymeradwyo gan y Cabinet ym mis Medi 2021.
- 4.4. Wedi hyn, trefnwyd cyfarfod â darparwyr i drafod y camau nesaf ar gyfer y broses dendro, a gynhaliwyd ar 10 Rhagfyr 2021. Mynegodd darparwyr nifer o bryderon yn ystod y cyfarfod hwn; pryderon y cafodd eu hailadrodd wedyn gan Fforwm Gofal Cymru. Er nad oedd o fewn ein gallu ni i newid rhai pethau, gwnaethom ni ymrwymo i roi rhagor o ystyriaeth i sut y gallem ni leihau effeithiau negyddol ar ddarparwyr a dinasyddion. Yn anad dim, roedd hyn yn cynnwys ystyried sut y gallem ni alluogi mwy o ddewis a rheolaeth, yn unol â'r Ddeddf Gwasanaethau Cymdeithasol a Llesiant (Cymru) - ac ar ôl sawl trafodaeth fewnol, rydym ni wedi cytuno ar gynllun i alluogi ymchwiliad mwy trylwyr o'r dewis o daliadau uniongyrchol i ddinasyddion sy'n byw â chymorth.
- 4.5. Bydd y darn hwn o waith yn ymwneud â thaliadau uniongyrchol yn cael ei arwain gan y Timau Anableddau Cymhleth ac Asesiadau Ariannol (taliadau

uniongyrchol). Rhagwelir y bydd y gwaith hwn yn cymryd hyd at 12 mis i'w gwblhau, a dyna'r rheswm dros y cynnig i hysbysebu'r tendrau cyntaf ym mis Ebrill 2024.

- 4.6. Ar gyfer y contractau nad yw taliadau uniongyrchol yn cael eu hystyried yn briodol ar ôl ymgynghori â dinasyddion, bydd tendrau bach yn cael eu cyflwyno ar sail unigol rhwng Ebrill 2024 a Gorffennaf 2026. Mae'n bosibl y bydd hyn yn lleihau nifer y contractau y bydd yn cael eu hail-dendro, yn amlwg yn dibynnu ar y niferoedd sy'n manteisio ar daliadau uniongyrchol, a thrwy hyn, bydd yn lleihau'r amser y bydd y broses ail-dendro'n ei gymryd.
- 4.7. Er mwyn ein galluogi ni i wneud y gwaith hwn ar daliadau uniongyrchol, ac yna ar ôl ei gwblhau, caniatáu ar gyfer y gweithgaredd ail-dendro gofynnol fel sy'n briodol, bydd angen estyniad ychwanegol i'r 41 o gontractau. Bydd yr estyniadau am gyfnod hyd at 30 Medi 2026 fan bellaf. Bydd y prosesau tendro'n cael eu cyflwyno fesul cam drwy gydol y cyfnod estyniad hwn, a bydd dyfarniadau'r contract yn cael eu gwneud ar ôl pob proses dendro unigol, felly bydd y mwyafrif yn cael eu dyfarnu cyn y dyddiad hwnnw.

## **5. Sut mae'r penderfyniad yn cyfrannu at y Themâu Corfforaethol?**

- 5.1. Mae darparu byw â chymorth i unigolion ag anableddau dysgu yn cefnogi'r flaenoriaeth gorfforaethol fod pobl ddiamddiffyn yn cael eu hamddiffyn ac yn gallu byw mor annibynnol â phosibl. Mae hefyd yn cefnogi pobl a chymunedau i ddatblygu annibyniaeth a chadernid. Pan fydd dinasyddion efallai'n gallu manteisio ar daliadau uniongyrchol, dylai'r dewis a'r rheolaeth y mae hyn yn ei gynnig ei wella ymhellach.

## **6. Faint fydd hyn yn ei gostio a sut y bydd yn effeithio ar wasanaethau eraill?**

- 6.1. Mae cyllid parhaus ar gyfer y cynlluniau hyn wedi'i gynnwys yn y gyllideb a'r gwariant a ragwelir, nid yw'r rhain yn ymrwymadau newydd. Ni fydd unrhyw gostau ychwanegol ar wahân i'r cynnydd gofynnol yn ystod cyfnod y contract. Bydd unrhyw gynnydd ychwanegol efallai'n ofynnol er mwyn i ddarparwyr fodloni gofynion cyfreithiol fel y Cyflog Byw Gwirioneddol Cenedlaethol.

6.2. Mae costau hanesyddol a chostau a ragwelir ar gyfer pob un o'r contractau hyn wedi'u cynnwys yn atodiad 1. Gyda'i gilydd, cyfanswm gwerth y contractau hyn o'u dyddiadau dechrau hyd at 31/03/2023 yw £59,771,380. Mae ganddyn nhw gyfanswm gwerth blynyddol o £6,437,834.

## **7. Beth yw prif gasgliadau'r Asesiad o'r Effaith ar Les?**

7.1. Rhoddodd yr Asesiad o Effaith ar Les 3 allan o 4 seren a sgôr o 31/36; cael effaith gadarnhaol ar bob un o'r Nodau Lles yn Sir Ddinbych.

## **8. Pa ymgynghoriadau sydd wedi'u cynnal gyda Chraffu ac eraill?**

8.1. Mae ymgynghoriad wedi dechrau â'r unigolion a'u teuluoedd/eiriolwyr sy'n byw yn yr eiddo ar hyn o bryd o ran y cais i gymeradwyo'r estyniadau dros dro, ac i ail-dendro'r 41 o gytundebau. Cynhaliwyd ymgynghoriad hefyd â staff Cyngor Sir Ddinbych, cydweithwyr o Fwrdd Iechyd Prifysgol Betsi Cadwaladr, darparwyr a chynrychiolwyr o Adrannau Cyfreithiol a Chaffael Cyngor Sir Ddinbych.

8.2. Mae cymeradwyaeth y Cabinet wedi'i roi yn flaenorol ar gyfer datblygu ac yna gweithredu Fframwaith Rhanbarthol Gogledd Cymru ar gyfer Byw â Chymorth. Ymgynghorwyd ar sail ranbarthol yn ystod trafodaeth yn ymwneud â chydweithio i ddatblygu'r broses gaffael gyffredin ar draws chwe Awdurdod Lleol Gogledd Cymru a Bwrdd Iechyd Prifysgol Betsi Cadwaladr. Cynhaliwyd ymgynghoriad hefyd â staff Cyngor Sir Ddinbych, cynrychiolwyr o'r adran Gyfreithiol a Chaffael, cydweithwyr o Fwrdd Iechyd Prifysgol Betsi Cadwaladr, Darparwyr a Dinasyddion (a'u cynrychiolwyr/eiriolwyr).

8.3. Cymeradwyodd y Cabinet estyniadau i'r contractau hyn ym mis Medi 2021 yn ogystal â'r broses ar gyfer ymgymryd â thendrau bach dan Fframwaith Byw â Chymorth Gogledd Cymru.

8.4. Fel y nodwyd uchod, ar ôl y cyfarfod â Darparwyr ym mis Rhagfyr 2021, a'r pryderon a fynegodd Fforwm Gofal Cymru, cynhaliwyd ymgynghoriad ychwanegol a arweiniodd at y cynllun ar gyfer y gwaith ar daliadau uniongyrchol fel y manylir uchod.

## **9. Datganiad y Prif Swyddog Cyllid**

9.1. Mae'r gwasanaeth wedi nodi yn Adran 6 bod cyllid parhaus ar gyfer y cynlluniau hyn wedi'i gynnwys yn y gyllideb a'r gwariant a ragwelir, ac nid ymrwymadau newydd yw'r rhain. Mae'r gwasanaeth dan bwysau ariannol enfawr ar hyn o bryd a bydd angen i'r cynnydd mewn costau yn y dyfodol, sydd hefyd wedi'i nodi yn adran 6, gael ei gynnwys yn yr adroddiad cyllid blynyddol i'r Bwrdd Cyllideb. Mae'r argymhelliad yn cael ei gefnogi.

## **10. Beth yw'r risgiau ac a oes unrhyw beth y gallwn ei wneud i'w lleihau?**

10.1. Byddai'r Awdurdod mewn sefyllfa fregus pe bai'n caffael gwasanaethau gan Ddarparwr heb contract.

10.2. Mae'n bosib y gallai Sir Ddinbych gael ei herio am beidio â thendro'r contractau hyn. Gall y risg sy'n gysylltiedig â pheidio â mynd ati i dendro ddod gan gynnwysr posibil eraill nad ydyn nhw wedi cael cyfle i gystadlu am y gwasanaeth sy'n cael ei ddarparu. Mae darparwyr yn ymwybodol bod cyfyngiad amser ar yr estyniadau hyn a'r rheswm y maen nhw'n cael eu dyfarnu.

10.3. Pan fyddwn ni'n ail-dendro'r contractau hyn mae risg sylweddol y bydd yn arwain at gostau uwch. Bydd cynnydd ar sail chwyddiant hefyd rhwng nawr a'r tendrau. Dylid hefyd nodi bod LIC wedi ymrwmo ym mis Mehefin eleni i fwrw ymlaen â thalu Cyflog Byw Cenedlaethol i'r rhai sy'n gweithio yn y sector gofal cymdeithasol. Mae ystyriaeth yn cael ei rhoi i feincnodi'r cyfraddau ar adeg y tendro, mae tendrau'n cael eu gwerthuso ar y gymhareb 30% pris / 70% ansawdd. Bydd manyleb gwasanaeth ar gyfer pob un o'r cynlluniau yn cael eu hadolygu cyn pob tendr hefyd.

## **11. Pŵer i wneud y penderfyniad**

11.1. Mae Rheolau Gweithdrefn Contractau Cyngor Sir Ddinbych yn nodi bod angen i Aelod Arweiniol wneud Penderfyniad Dirprwyedig i gymeradwyo contractau sy'n werth dros £1 miliwn (ond llai na £2 filiwn).

11.2. Mae gwasanaethau Byw â Chymorth yn cael eu cefnogi gan y Cyngor dan Ddeddf Gwasanaethau Cymdeithasol a Llesiant 2014.

11.3. Mae Gwasanaethau Byw â Chymorth yn cael eu rheoleiddio gan Arolygiaeth Gofal Cymru dan Ddeddf Rheoleiddio ac Arolygu Gofal Cymdeithasol (Cymru) 2016.